



和陶詩集

松江韓氏讀有用書齋
舊歲今歸韞輝齋
寅端午重裝
記




和陶詩集

月庫其內 志誠 庚午 五月




NATIONAL CENTRAL LIBRARY, TAIWAN, R.O.C

3452975




和陶詩集序

和詩古亡有也自唐人始和古人詩
唐亡有也自坡公始於乎詩不易作
也矧和詩乎矧和古人詩乎奕必國
手然後敵敵手古人手豈易敵乎雖
然詩之道在適性情非爭奇競秀之
具也三百篇雅頌固多出大聖大賢



手筆列國之風亦多里巷之謠並列
之樂官豈必人敵手哉故曰詩之道
在適性情非爭奇競秀之具也評陶
詩者有曰冲澹深邃出於自然曰質
而實綺癯而實腴自曹劉鮑謝李杜
諸人未及也曰不煩繩削而自合者
曰如醴泉慶雲出則為祥瑞且饒波

公一人和陶可也曰高情遠韻猶大
羹充飴不假鹽醃而至味則別類為
古今人哲所稱與如此坦率道人周
君一日出和陶詩一帙託予引之予
素非知詩者何能評坦率詩哉坦率
襟抱冲澹簡遠與物無競類陶詩言
志即厥人占厥志詩可知矣嘗考唐



TIFFEN Color Control Patches

© The Tiffen Company, 2007

人詩惟韋蘇州逼陶之真坦率蘇人
也必其從韋門庭中來耶傳云堂上
人方能辨堂下人曲直坦率作者也
予姑序其端俟代之作者為坦率評
之

壬申歲五月朔龍化山人沈文華識

和陶詩集卷之一

詩四言

停雲

靖節味停雲以思親友樽湛新醪困列初榮願言不
從歎息彌襟予庚戌春阻舟淮陰亦思親友和陶寫心

鸞翥停雲溟濛細雨淮陰驛下驛舟少阻莫曹方
睽筆牀靜撫慈親日遠支頤獨佇○停雲鸞翥細
雨溟濛路阻淮陰夜泊清江弟子弟子驛處同卧
蓬窓思親懷友途遠曷從○雨堤春柳凝寒未榮
水霜歷過首眼含情游子奔馳曉發宵征未果言
旋以樂餘生○出谷幽禽遷于喬柯數聲嬰兮感



人詩惟韋蘇州逼陶之真坦率蘇人
也必其從韋門庭中來耶傳云堂上
人方能辨堂下人曲直坦率作者也
予姑序其端俟代之作者為坦率評
之

壬申歲五月朔龍化山人沈文華識

和陶詩集卷之一

詩四言

停雲

靖節味停雲以思親友樽湛新醪困列初榮願言不
從歎息彌襟予庚戌春阻舟淮陰亦思親友和陶寫心

鸞鸞停雲溟濛細雨淮陰驛下驛舟少阻莫曹方
睽筆牀靜撫慈親日遠支頤獨佇○停雲鸞鸞細
雨溟濛路阻淮陰夜泊清江弟子弟子驛驛同卧
蓬窓思親懷友途遠曷從○雨堤春柳凝寒未榮
水霜歷過首眼含情游子奔馳曉發宵征未果言
旋以樂餘生○出谷幽禽遷于喬柯數聲嚶兮感



後春和豈不懷歸

君息誠多道路間關其柰之何

時運

靖節咏時運以游暮春而寓欣慨予承命送胡參劉

弟官勛對酌孰管論心觀景和詩以寫性情

時光迭運既夕又朝承令作擯曉出南郊江涵畫
船水映青霄彼徃司臬我訴心苗為憫○漢波殊
清巖寒難濯沙鷗野鳥飛游可隔飛則用翼游則
用足云胡吾徒反無彼樂○樂非一端奚獨浴沂
白鷗尚籠能免懷歸吟髭徒捩騷筆徒揮既往弟
諫未來宜追○彼泛彼舟吾返吾虛彼已榮陞吾

則自如從古塵境孰逮冰壺苟悟斯語必謂起予

榮木

靖節咏此以念將老而嘆然角聞道白首無成

予年半百曾和此詩今又重錄殊增感慨

蕭蕭一木盤根在茲昨見敷榮今悉改之斯人處
世推耄異時沒世不稱是一夢而○蕭蕭一木在
茲盤根膏澤漸涸枝幹尚存白髮無情入道有門
榮悴宜守孝友宜敦○嘆息生平才猷淺陋虛度
半百存心如舊道尊斯貴身安斯富我非無憂內
頗不疚○宣尼示教至今未墜一言一藥歷歷可
畏歲寒松柏調良騏驥君子尚德於馬為至

贈長沙公族祖靖節味此以贈族人予和此以寄族弟
自莅龍泉音問殊踈幸至景陵難會如初奄忽半
載光陰易徂作擯方歸覽信躊躇○緬念族弟日
登講堂滿門桃李何異圭璋欲上雲霄須歷冰霜
願見無期虛度時光○少者屯溝老者憂同彼此
懷思一西一東茫茫仕途迢迢漢江丰采難觀音
書可通○彼此遣伴寫心宣言樂水近水樂山近
山好動好靜夫豈偶然再擬歸休宜讓予先

酬丁榮桑靖節味此
有鵬有鵬飛飛未止舉翮冲天雲程萬里遐弗克

歸栖栖念始○默想斯人升沉有由卑踰踰奚
須隱憂作德弗忘心逸日休且閑且適以邀以遊
答罷參軍靖節因罷使上都過潯陽賦此以贈

予曰婿兄王國英征西書來故和此以寄
思君不已忽接來書頗獲成功與任歡娛恨無麟
鴻往詢起居惟冀捷音日至吾廬○殺降損德兵
燬劫珍予懷悒悒誠為親親水火克救允矣仁人
曹彬是效斯副臣隣○戰乃危地當日孜孜體仁
行義予實望之壽陶思君載詠以詩尚未凱旋徒
費遐思○弗獲類聚空嘆群分安得會晤且慰且



欣京臯抱膝西望停雲之子克捷羨子樂聞○昔
別舟中沙鷗和鳴三冬今屆六出又零征西勳績
莫之與京青雲進步愚心定寧○蕭蕭綠竹瀟
寒風歲暮馳情兀坐齋中子在西陲當慎厥終而
懼而成始克保躬

勸農

靖節賦此

上述古先予以其韻下示來裔

粵觀古道可鄙今人務本抱朴逐末損真純誠巧
偽厥來有因厚本抑末斯為至人○疇昔田疇勸
藝黍稷隨地高卑因教樹植先聖先賢皆務稼穡
王天在民民下忝食○汙邪既寔有水有陸滿宇

滿篝風斯切穉男子勤儉侈靡勿逐婦女蚕繅徹
夜弗宿○唯有農家世澤最久不計勤勞肯辭耕
耦舜勤歷山尹勞莘畝自強不息辛勿游手○士
勤得祿可免窮匱農勤得穀收成有冀不食曷飽
不行曷至人生兩間各求無愧○士固出群農亦
不鄙且耕且讀古人素履吾子吾孫當循舊軌驕
奢匪宜儉約斯美

命子

靖節命子述初得如及其子子以其韻亦述厥始以示諸後

姪出自姬稷生陶唐仕虞播種佐禹有光厥後寢
微歷夏而商亶父公季篤生聖昌○發王八百建



國為周以國為氏散處九丘原泉混混濁異流
迨漢肇興勃亞封侯○公瑾相吳處斬蛟龍興
嗣在梁千字成功茂叔居宋伯爵膺封通邇相傳
茫茫失蹤○萬派同源千葉一柯或入農流或投
禮羅貴顯升高卑賤流窠枝分蔓延奚翅塵沙○
遙遙高祖永年積德世居吳城時當勝國曾祖信
之貿易無惑我


朝治平豐亨稍得○英豪顯祖為儒於始閔右徒
京播遷萬里先考繼儒郎官遂止自彌訥齋不形
怒喜○嗟我少孤紹美固及儒官一世基圖未立

主器曰璐教子是急兩間致禍俾予感泣○二郎
曰琦嗟未遇時游學宦途宜亟致思速期脫跡勿
困于茲尚企襄韓丹鳳騫而襄陽韓詒室子為都憲○璞也為
商急若星火與琮同心全在無我理也尚幼不知
其可皆當存誠勿事虛假○長非蒙昧少非提孩
欲望成人悉自動來能積小善斯成大才吾今老
矣爾各勗哉

歸鳥

靖節賦此所樂出于已然予吹其韻所樂出于未然

栖栖倦鳥未歸故林隨處遨遊度江入峯冒雨沾
露弗易初心緬惟丘隅少暑多陰○栖栖倦鳥安



望高飛顧儔相呼未獲攸依仰鳴不已終遂旋歸
憇息舊巢方與世遺○栖栖倦鳥幾度盤徊雲程
迢遙寔望幽棲雛成羽翼音自和諧有一反哺殊
遂予懷○栖栖倦鳥獨立枳條願投翁轡時乎捨清
標五柳陰濃萬竹翠交畢羅不驚飲啄胡勞

和陶詩集卷之一

和陶詩集卷之二

詩五言

形影神

靖節云貴賤賢愚莫不營營以惜生斯甚惑焉
故極陳形影之苦言神辨自然以釋之好事君子
共取其心焉予雖非好事弟愛其達生委命故以
其韻以自紓其情耳

形贈影

人生穹壤間參差不同時主帥在中軍卒徒環繞
之爾我不相離實虛咸在茲與爾景情親追隨何
用期爾欲約我去長夢同無思罔知歿後名奚恤



望高飛顧儔相呼未獲攸依仰鳴不已終遂旋歸
憇息舊巢方與世遺○栖栖倦鳥幾度盤徊雲程
迢遙寔望幽棲雛成羽翼音自和諧有一反哺殊
遂予懷○栖栖倦鳥獨立枳條願投翁轡時乎捨清
標五柳陰濃萬竹翠交畢羅不驚飲啄胡勞

和陶詩集卷之一

和陶詩集卷之二

詩五言

形影神

靖節云貴賤賢愚莫不營營以惜生斯甚惑焉
故極陳形影之苦言神辨自然以釋之好事君子
共取其心焉予雖非好事弟愛其達生委命故以
其韻以自紓其情耳

形贈影

人生穹壤間參差不同時主帥在中軍卒徒環繞
之爾我不相離實虛咸在茲與爾景情親追隨何
用期爾欲約我去長夢同無思罔知歿後名奚恤



存淚洒古今盡如此共徃夫何疑蹠顏亦所賦帝
命應難辭

洒音而涕流貌

影答形

貧生或嗇壽弄巧翻成拙古來服金丹恒見中道
絕爾我自相逢義交常喜悅晨征無頃睽夜卧暫
時別汝存吾亦存汝滅吾亦滅委運聽自然知天
肯心熱忠君軀必捐孝親力當竭修身尚弗違奚
較人優劣

神釋

身仗吾踐形道伏吾顯著既為萬物靈通妙豈無

故因吾號曰神六賊敢阿附蠢茲影與形至理難
輕語誰知方寸天與吾同一處行息亦
與同任後來各分散渺茫歸大壑氣只一時消裂
作千載具兢兢遺臭名勉勉流芳譽爾雖不自
吾曾問天去內省既不疚何愛亦何懼兒孫賢
愚瞑目胡足慮

九月閑居

靖節閑居云重九之名秋菊盈園

醪靡由故有此作予亦愛其愛故和一詩

衆人舉蚩蚩不替其長生九月又逢九重陽非浪
名每歲過風雨今日欣晴明心因愛離菊耳不聞



秋聲猶花泛滿學將欲延哀齡唯憂熟馨酒會子
頻取傾醕言得真樂胡事圖淳榮閑居自逍遙眷
茲忘世情雖然天遂歸攸望期終成

歸田園居六首

其一靖節自易代歸田園以樂其樂予自賜田園故次韻以適其志
性頗惡塵俗唯樂遊名山一墮宦海中羈縻已
年兢兢若履冰戰戰如臨淵

君賜一區宅仍頌二頌田廩祿三四石扉宇十
間桃棗後園內榴竹小齋前重重架三五白
中烟馬嘶槐樹陰

時偷閑朝罷歸來後身心亦安然

其二靖節自早歸故有掩扉絕想之作予因耕公田故嘆園莽之艱
賜第東城隅地僻少塵鞅終日無客來閑居動遐
想

君命時或召彈冠乃一往作擯出接賓鷺見田苗
長耘耨時不動蕪穢日云廣可見鹵莽耕實亦報
鹵莽

其三靖節荷鋤種豆恐夕露之沾衣予亦其韻恐失歸田之志趁
行樂須及時矧吾千古稀田園豈我娛惡得翻然歸
君恩方浩蕩將欲易我衣易身外榮其如志願



遠

其四 靖節因異朝市但携子姪為樂予次其韻但以仕道為樂
自笑宦途間亦有田園娛道存隨處樂奚間城與
墟也曾衡門棲也曾潭府居五桂未開花一椿已
殘秣榮悴各有時消長知何如易云積善家必然
慶有餘書言爾不德墜宗亦非虛君子論常理何
須較有無


其五 晴窗幸灑新酒以接近居予辛日醉春風以和舊作
寓館邀嘉賓伶工歌舊曲初春日日醉歡然聊自
足詩言塵世人隨時換新局安得忘春堂為之調

玉燭否則謝俗緣醉狂學張旭

其六 靖節賦歸田不過飲酒以適興予未得歸田因和詩以適情
舒嘯登漢臯何消遊紫陌不遇解佩仙雅趣亦可
通行樂莫嗟跣怡情在朝夕青春嘆擲梭白駒嗟
過隙平素無隱憂心豈為形役得

君遲遲歸不奏丕丕績田園雖不多諧目如有益
問來使

汝自吳城來伍負胡袂目便道過柴桑淵明奚愛
菊在古雖失時至今有餘馥行義須始終為仁全
在熟



游斜川

靖節於辛丑正月五日與隣曲同游斜川有臨長流望地城之樂
子追念辛丑正月五日生時兒始出仕有登泰山望尼丘之樂

辛丑正月五其年沐

天休子在故鄉生身在京華游春闈乙榜取銓選
文學流於焉往獲麟從此冷盟鷗乘便登泰山駐
日望尼丘萬古鍾秀氣千山難與儔先聖如復生
後學願賡酬春風函丈間未知肯容否丁寧辛丑
兒當懷希聖憂欲決進步期還須努力求

示周續之祖企謝景夷三郎

時三人皆講禮後書

予曰靖節示三子而引箕穎之可微謙之故次韻勉三子之出仕立言不同時不同也

接得故鄉書披味殊欣欣後生雖甚多可畏唯三
人衛甥述母行叙事深有因祖仁讀父書學行喜
日臻俞孫雖少孤篤志亦有聞立善須積累求名
在愛勤無功必無效有德斯有隣願言各勉旃同
遊鳳池濱 衛廣樓祖仁俞金三子皆秀士

乞食

靖節飢寒常在身前東坡哀之余次韻以寫余窮不知身
後見哀於何人也

陶貧曾乞食余貧僅似之囊無一金積架有數本
辭假茲致薄祿時或換酒來以茲知已多數數邀
銜盃感惠無可謝匆匆唯贈詩聊寫真率意慙無

靖節才豚犬俱任伊寧有嘉謀貽

諸人共游周家墓栢下

靖節作此以感栢下人于彭家醉婦如此以感栢栢弟

彭家出家樂清歌按絃彈主翁多厚情僚友同追
歡唯我年古稀飲酒當開顏醉歸想墓栢吾弟心
殊殫

怨詩楚調示麗主簿遵鄧治中

靖節引鍾期知音而命篇曰怨詩楚調以示麗節子聞仲氏女有棺无槨曰思伯魚尚然而引泣類固事以示于情

福善乃常理變斯不然妍女淑且孝有家十餘
年卑尊克善處愛尚舉無偏雖非是丈夫寔能種
心田宦族值中真安貧居市廛天胡奪其魄俾渠

長夜眠奇禍且疊至良人亦變遷號泣子呼天瘞
玉先塋前翁聽歌薤露姑歆焚楮烟不聞哀怨操
豈識子淵賢

荅麗參軍

靖節荅麗參軍而曰縣依周孔往復之義且

為別後相思之資子次韵荅黃參軍亦寫舊日相與之情且致今日望治之意

憶昔往鄭陽邂逅相與言尊酒辱款洽醉拉近
園去參靖州戎承寄雲錦篇昔欲締絲蘿感君輒
欣然誤聽萋菲語因仍失良緣至今尚抱憾賡詩
為敷宣便欲寄尺素其柰隔湖山願言靜邊塵治



平千百年

五月旦作和戴主簿

予次韻題江湖勝覽以贈許子兵

江湖一發棹勝覽應無窮漢沔順流下煙波圖畫
中大別對武昌繁華民物豐赤壁玩明月清江乘
便風儀真上壩始淮水下隄終二沽頭滔滔五兩
垂冲冲沿途景趣嘉連艘漕運隆北遊如天高儼
若登恒嵩

連雨獨飲

靖節無甚愠色故有忘天任真之詠予頗欲效之

獨飲聽簷花醉中悟本然俯仰無愧怍身忙心亦
閑自知放懷老絕勝蛟骨仙窮途不歎眉誰謂能
樂天率意與任真安敢居物先不解色斯舉依樓
且盤旋未嘗立家業徒生七十年窮達各有數迹
來覺忘言

移居二首

其一

靖節移居南村而有是詩予壯年移居葑溪故追次其韵

親荆閭門居余遷葑溪宅仁厚有幾家往還度朝
夕小弟勤經營生涯志恒役嗟予游山東臯比擁
師席陞藩守制歸故人異疇昔家累日以繁拓基
始分析

其二

予在郢移居山麓後每出遊歡飲時赴王大尹席故和此



自從移居來對景常賦詩朝回得自由策馬隨所
之知己或見邀疾往弗致思遇席且歡飲為樂須
及時王君淵明儔相見幸在茲玉樹正芬芳向榮
安可欺

和劉柴桑

劉遺民約入社靖節雅不欲而以弱女喻薄酒

同社望予歸未歸恒躊躇寔因弱女嫁弗忍遂離
居因循度殘喘非不念故廬每為作擯行足馬過
村墟野趣與目諧所惜匪我畚遊觀且為樂暫爾
忘勤劬

予因同社望歸實因弱女之眷戀故和此道意

君恩雖日隆耽榮理所無倦鳥固知還恥言生意
踈志願今已達利達應難須旦夕歸去來鄙意終
能如

酬劉柴桑


靖節賦此而欲及時為樂予感其言故和之

鳥兔忙追逐一日還一周海柳方知春梧桐又報
秋得樂且為樂何消事西疇問君一滴酒能到九
泉不因此遇良辰相約同遨遊

和郭主簿二首

其一 靖節和此歷叙家常四時之樂予次其韻乃叙靜齋

別墅一時之樂



城北有竹林亭臺多緜陰六月不知暑坐臨滌煩
襟風來似曼玉鳥弄如鳴琴吾兒借藏脩心靜諳
古今蔣生孳榼來意厚誠可欽更酬各盡興杯罄
還重斟老我亦在座二子殊知音醉來爾汝忘野
花聊取簪友道既云篤鄉情尤覺深蔣生之先隄陵人

其二 靖節此詩愛松菊於素秋節予和其韻愛灯火於元宵
節立言不同時不同也

適逢古稀年感嘆元宵節雨雪阻張燈既望天澄
澗千家重結綵三夜闌奇絕陶愛松菊清茂
火列治朝此可嘉易代彼殊傑為通典為高得此

難兩訣宣尼如復生迷途照秋月

於王撫軍座送客 予借韻以贈大撫軍

曩會撫軍宅瓶內梅花腓嘉賓同盡醉老我難先
歸尊堂契予室姊妹願相依通家會頻數樽酒重
睽違情孚固云樂休致終興悲倦鳥難久棲斜陽
幾多輝恨無魯陽戈揮退俾遲遲跳出樊籠中高
飛與世遺腓音肥

與殷晉安別 靖節與殷晉安為故人而賦此以送別予與

蔡本寬為故人而和此以餞行

少年游泮宮文事殊辛勤杜歲承武弁代勞囚老



親忠孝分內事勇往欽臣鄰總制軍令至明發在
侵晨丈夫志四方寧肯惜群分仗劍去千里立功
正三春矢石震威風旌旗連陣雲臨事懼則成國
英先知因協謀圖進取大捷何憂貧二公獲奇勲
先報知音人

贈羊長史松齡

子姪璧求長史公辭翰以祝子壽

予次靖節贈長史詩韵以寫子懷

愚生千古後璧經讀唐虞迨及夏商周彙萃成一
書中含致治法吁咈與俞都假茲竊科第遠規安
敢踰始馬仰宣父終焉師子輿升斗亦天祿薦刺

與汝俱汝慶我古稀醉醒還躊躇乞

恩未得歸祭掃將奚如廬舍盡頽墮田園已荒蕪
安得遂予情棠棣同歡娛親交殊落莫鄉約亦久
踈栖栖在仕路念及懷難舒

予少与士夫立鄉約今二弟代之

歲暮和張常侍

予亦和此以呈張內相

寒予齒稍長頭白將歸泉乞休尚未遂兀坐殊忘
言不因私家累其奈公事繁起居性頗懶作止恒
蹈愆漢江嘆東邁夕陽薄西山暮景覺蕭索倦鳥
心欲還襟懷素軒豁苦為塵俗纏勉強供薄職儵
躋古稀年多感垂愛腴秩許稍遷不日歸去來



想及先欣然

和胡西曹

靖節此詩和胡西曹予次其韻謝胡揮使

仲春二月節撲面來清颼胡君拈我酌照耀雲錦
衣嗟我感厚意多君顧寒微我惡隨風柳願效傾
日葵乞骸

主弗許身力道未衰因茲未得還和詩為君揮每
歲督漕去會晤殊遲遲幸同一樽酒懽飲無悽悲

悲從弟仲德

靖節此詩悲從弟仲德予次其韻悲

袁宏傳之喪子

殘臍同入吊感懷雙泪零玉樹殞寒霜遽爾陽明


冥椿壹寓隣邦聞訃如無生主器半途碎大厦一
木傾本榦雖云瘁萌蘖終見成上有雨露滋矧咸
近弱齡勿蔽卜商愛頤和戒吞聲季弟領嚴命暫
歸理家庭存亡兩得所殊慰雙親情

始作鎮軍參軍經曲何

靖節賦此以寫官途之情

懷予次其韻以謝官途之親友

嗟予寓邛邦心常繫詩書深感衆親交道予申申
如素無明敏才偶爾登雲衢遠來此寄跡嚮文生
計疎徒望大夫職敢懷金紫紆虛度七十年親交
情有餘一一具春酒來顛東城居且贈雲錦篇不



訝食無魚作詩借陶韻信筆何曾拘申言各致謝
弗及造君廬

和陶集卷之二

和陶集卷之三


詩五言

庚子歲五月中從都還阻風於規林 二首

其一 子憶庚子往南都乘便風於京口茲和陶韻以紀其初

望望南都路日日篷窓居周郎借東風片帆向西
于烟波渺無際銀海迷四隅夕陽到下関明日循
舊途棹入水西門偷閑觀後湖搭橋暫時寓奮志
嗟才疎繞繞捷京闈為貧樂有餘事竣還鄉邦促
裝仍北如

其二 子憶庚子冬与茹思德會談北行故和陶韵以紀其事



訝食無魚作詩借陶韻信筆何曾拘申言各致謝
弗及造君廬

和陶集卷之二

和陶集卷之三


詩五言

庚子歲五月中從都還阻風於規林 二首

其一 子憶庚子往南都乘便風於京口茲和陶韻以紀其初

望望南都路日日篷窓居周郎借東風片帆向西
于烟波渺無際銀海迷四隅夕陽到下関明日循
舊途棹入水西門偷閑觀後湖搭橋暫時寓奮志
嗟才疎繞捷京闈為貧樂有餘事竣還鄉邦促
裝仍北如

其二 子憶庚子冬与茹思德會談北行故和陶韵以紀其事



君子欲行義必向神京之思德借我行瀟洒同襟
期京口將渡江風馬飛片時維揚暫停舟瓊花原
在茲異物與異人流芳終有辭立志能自強造道
夫何疑

辛丑歲十月赴假還江陵夜行塗中

予憶辛丑月筮仕嘉祥夜行號中今次陶韻以寫夙昔
筮仕教嘉祥勤勞到昏冥惟知重恩義安敢輕宦
情衆中有翹楚乍逢欣識荆昕夕不休息勸懲督
諸生循序不躐等質昧漸歸明薰陶德成就涵養
心和平少者俾宿號我則恒宵征昨講今報講舌

耕仍筆耕彼此俱精專察心也壁雜繁前此久乏科
自是多成名

癸卯歲始春懷古田舍二首

其一 予憶癸卯始春蒞試鉅野學舍今次陶韻以懷舊人
意西鉅野邑平生足未踐潘公集師生小試應難
免忝冠儒官流交情自茲緬詩題登泰山繆荷稱
予善事竣過講堂兩舍亦非遠諸君遂相知音書
時往返相見即論文後茲謀深淺

其二 予憶癸卯妻司訓至以道學子有仁秋以張曹季平舉婿戴

恩到任親迎今和陶詩以追記其事



曼君日論道道在寧憂貧秋闈捷二子成名端在
勤文風遂大振自此多才人奮發殊勝舊溫故咸
知新功績已具備情懷亦懽忻戴情從南來張帆
過江津到官輒為學勤敏無與隣後乃歸省偶
過綠林民

癸卯十二月中作與從弟敬遠

予憶癸卯十二月中進表在京寄從弟廷學

從弟在儒學癸卯音書絕予在旅館中僕少門恒

閉必結切凜凜蒼蒼下風紛紛窓外雪頭刻花開瓊

史塵洒灑登舟欲南遙推蓬褥已設高卧與天津

張帆意殊悅歷覽古人跡於今尚烈烈到官親倚
門老懷抱貞節菽水資薄祿茅廬堪守拙絕勝周
流人千年誰鑒別

乙巳歲三月為建威參軍使都經錢溪

予念乙巳歲尚在嘉祥今次陶韶以述前因

乙巳在仕途書窓功課積有時伍聖賢展卷念古
昔有時育英才致彼騰健翮故鄉數千里茫茫雲
樹隔老親已迎養肯使心神役道德不可違風致
安能易晨興任問苛後容將理析固守歲寒操何
消羨松栢



還舊居 子念甲辰春從京還嘉祥舊居故以向而此
憶昔還舊居遠自京華歸路次有炎涼萬事自奚須
悲同僚在協和撝謙無是非暇日修族譜聊為子
孫遺未得上林去且向昔宮依烏兔疾追逐時序
屢移推青春已盡度壯歲行將衰幸遇無味翁和
詩隨筆揮 婁應奎號無味道人任訓導


戊申歲六月中遇火 子於寧屬遇禍故次陶韻道
旅居濟南巷往玩觀泉軒入城許錢公惟漏如火
燭壘送泉司中暫屈憲副前太陰有殘缺望日還
團圓禍福有難知天道亦好還虛靈苟不昧方塘

映光天平生少愧作涵養非一年性靜情自逸欲
寡心方閑要培蒲柳質好如松栢堅梯稗盡芟除
嘉禾滿秋田迺聞降禍人已為長夜眠沒後奇禍
至啓構暴赫園

已酉歲九月九日

子憶已酉九月寓閩登南臺或次陶韻以追記其跡

閩城有南臺竹木繁陰交此中天氣煖蒼翠何曾
凋客邊遇重九男史邀登高昨日遊鼓山翠嶺如
升霄肩輿堪代步穩坐應無勞可羨服役夫履危
心不焦天風海濤處文公所稱縱觀樂陶陶醉歸日已曛



啓行在明朝

庚戌歲九月中於西田獲早稻

予憶庚戌歲九月中試銓曹獲稱道

秩滿試銓曹四題咸有端興來信筆揮詞理求俱
安畢公真選首極稱殊可觀

欽除侍太弟難向吳城還京華度五冬愈覺青毡
寒又復耕硯田收穫應無難良臣素知己乃以子
倩干既而請同居尊酒時開顏家累日云集羈愁
不相關道在貧亦樂功名奚足歎

丙辰歲八月中於下溪田合穫

溪蘇田切

予於丙辰八月中守制歸田今次陶韻以紀曩昔

守制歸對溪懷然城東隅平生不戚戚是歲多愁懷
時運遘屯蹇所遇皆難諧歌枕不成寐輾轉聽晨雞
念及慈母德追思日幾迴燈前聞鴈聲屢冬增悲哀
寸心每鬱悒兩眉恒不開或有故舊來皆云志毋頹
老懷宜自遣何消嘆時乖自古居窮途宣兀尚栖栖
飲酒靖節偶有名酒無夕不飲以飲酒為題作二十首辭無

盜次聊為歡笑予飲酒醉隨遇而和亦無詮次觀者

幸勿謂造語之不倫

其一 予借陶靖節飲酒韻以為汪太守生子賀



彌月具春酒承邀隨赴之態罷夢已協合浦珠還
時故鄉浙東西慶喜欣在茲盛宴錫來厚感荷恩
何疑謝德借陶韻書罷遣伴持

其二

聖道周云大夫子登泰山孟軻果能希千載垂一言
啓期得三樂予希亦多年但知能自寬孰計傳不傳

其三

功名與道德舉世誰無情淵明好飲酒何事傳其
名不為世俗累斯無愧平生子嘗遇悔吝心安無
復驚罔知老將至憤樂唯求成

其四

辛未四月五周憲副家飲酒燔書齋被火和陶以記其事

飲酒歸已暮胡為一火飛書齋作煨燼致使門人悲
遺稿俱不存栖栖失所依回祿弄奇巧厥咎將安歸
焦頭救者多頃刻紅光哀作詩記遺蹤天意誰能違

其五

子寓君偏僻感靖節心遠地自偏之白目次其韻

扉宇城東隅僻處無市喧地靜可養心一中安有
偏臨軒盡裁竹命僕恒開山俗子不相見鴻儒時
往還飲酒且為樂羈愁奚足言

其六

靖節不計是非唯欲從黃然子亦不計毀譽唯欲醉羅綺

得時言或違人皆以為是失時言合道求全反致毀



毀譽何足憑窮達不徒爾前程殊渺茫且來醉羅綺
其七靖節詩由愛菊而發予亦愛其愛所以和其詩
眷茲霜下傑秋暮綴金英佳色殊可愛與我偏關
情摘來置杯中旋復將酒傾醉後卧北窓醒聽山
鳥鳴仕途有此樂亦謂足平生

其八子聞管方在去梁尚素由同知致仕又進秩腰金二子
入監二子食廩殊為得意故次陶韻以寄之

憶昔曾同飛南閩識丰姿鳳去遷喬柯鳥來棲卑
枝別久兩渺茫翔集知誰竒忽聞鳳化鷗諸雛盡
能為堪笑已倦鳥尚有樊籠羈


其九靖節因時輩勉其出仕而作此篇予因陳同愈負病

欲歸而和此作

世鮮百歲人當俾護眉開啓期善自寬所以恒等
懷君有貧病憂益由時運乖道遠未得歸寓館且
幽栖時至往亨衢自爾灘塗泥善加調五官脾土
當和諧我非愛飲酒欲驅塵俗迷難忘
眷顧息倦鳥猶未回

其十靖節詩其為貧而仕之意予次其韻寄陳憲
僉述其久別懷思之意

蘇松兩劇郡彼此同海隅早年不相值幸今逢仕



途迂錢談鄉曲為攢承
君驅屈指一別後馳情八月餘作詩托鱗鴻假便
詢與居

其十一

靖節咏頽榮言名不足賴咏楊王孫言身不足惜非
立心在身名之外者烏能為此言子故和之如此

安貧與反真三子皆盡道氣質與天地有少必有
老一朝大化盡如草木枯槁旅寄幾多時客情納
不好外物奚足貴此身自是寶淵明飲酒懷瀟酒
出塵表

其十二

靖節作咏長公仲理之矢時予次其韻道瑛琮二子


之遘禍時辛未四月十六日也

三月從吳來道路艱阻時久別乍相逢燈前費言
辭陽邏曾邁屯皆由子在茲一時小不忍幾乎成
大疑疑心已幸釋為謙當受欺能導三自反天下
俱堪之

其十三

靖節以醒為愚而以兀傲為穎子次其韻以虛度為
愚而以學易為穎

浮生亦易度駸駸入暮境飲酒與賦詩放懷任醉
醒觀書嘆易忘望道徒引領但恨少閑暇賦才非
秀穎惟願假數年細把義經炳



其十四 靖節以時艱懼禍唯托於酒以適趣予年老為
君眷留故和其韻以遣懷

榴竹增雅趣僚友時或至有酒與同酌量淺每先
醉醒來又共飲心忘在旅次道尊即如富身安亦
為貴君爽父米歸公旦言有味

其十五

守制

若留缺初來給安宅故園已就荒宦途聊寄蒔桃
棗與榴菊栽植亦滿百公私事交逼蕭疎雙髮白
七襄未容歸念及每深惜

其十六 靖節游好在六經時年四十矣予今有志學義經而


嘆歲月不待矣

宣尼幾七十假年學義經予亦有斯志事冗未能
成進退與存亡安得知變更子姓雖頗多詩禮鮮
趨庭或出或不出有鳴有不鳴窮達付造化參差
隨物情

其十七

予七十致仕而未容故和陶詩以見意

君召作新詞闕窓納薰風老年勤筆硯日在紅塵中
求返弗獲返為通猶未通自知失太簡為人慙仲弓
其十八 靖節托子嘗嗜酒以自況予托靖節處貧以自況



淵明處貧時好酒靡彼得予貧久於仕叨祿似無惑
邀飲情必傾徵又責每塞世道雖不古吾職在一國
箴規不顯言小菴唯扁默

其十九 予借陶飲酒之詩韻喻族弟出谷以遷喬
弟昆僅十輩爾我同求仕因茲恩義深相親皆克
己冷職予小就郎官汝雪恥音書時或通迢遞數
千里屈指數離情睽遠踰一紀孰意八幽谷栖栖
失所止忽聞又遷喬老懷殊有特

其二十 淵明自況於沮溺老夫自況於淵明多見
其不知量也

淵明千古士立言何其真安貧不害義存心尤且
淳歸去來一辭傳頌宛如新五斗懶折腰安肯為
儀秦予和先生詩竊欲踵後塵其柰
君眷留筆硯猶日勤歲久弗獲返子孫咸締親往
來道路熟隨處皆知津拂意只自嘆何嘗泪沾巾
飲酒雖至醉唯欲天其人

止酒 靖節欲止酒每句用止字則得其所止可知矣予

量淺止酒最易故次其韻以自道焉

君臣止於義非義則弗止僚友止於和和在知止
稟至要止讀書至樂止教子大禹能止酒淵明止

不喜夏止暑難禁冬止寒倦起不止誠有傷止之
亦有理勸止雖在人力止則在已能止誰逮予於
今知止矣知止未得歸尚止漢江涘何時止丘隅
止在兩三祀

述酒

靖節曰劉裕廢恭帝為零陵王屢以毒酒醜之故
以述酒名篇予和其詩先述其意而申己之志

淵明忠義跡和詩斯稔聞不幸生季世目擊淳風
分青天蔽陰霾白日蒙浮雲恨無千丈泪遠灑零
陵墳偉也代飲毒俗以毒酒授張偉使
醉王偉自飲而卒長夜遂無晨山
陽事頗類魏降漢獻
為山陽公霜冰致之馴歸田托折腰明哲

能保身固窮不外慕務農良已勤踵躅吾有志勉
留因感

君尚友挹遺光私淑藉餘薰天肯假我年廢幾習
義文未能泝洙泗安敢遵河汾心欲慕隱逸身猶
居俗紛眼前無所資唯與僚友親飲酒不述酒彼
此非同倫

責子

辛未次陶韻彼此皆五子是亦偶然

淵明責五男言實情亦實吾兒數偶同吾亦聊泚
筆况矣父子心爾偕獲良匹老我如繫駿脫羈固
無術冀爾夙有成幸我壽逾七持身諒匪他存心

當粟粟戒爾胥勉旃慎毋淪棄物

有會而作靖節賦此以念飢之予次其韻以念貧之貧

薄祿不恒得婢僕或受飢心能忘富貴身不慕輕
肥匆匆度歲月汲汲食與衣平生欲尋樂拂意寧
肯悲老年欲學易唯恐昧是非宦游作冷官子孫
無所遺各分以職業士賈隨所歸貧乏士之常啓
期真吾師

蜡日

追念去年蜡日光覺融和草回墻北綠梅着枝高
花陽長陰必消寒威殊不多地氣自清不消觀康

節歌

四時

春愛如膏雨夏望巧雲峯秋賞傲霜花冬撫歲寒
松

擬古九首

其一靖節作此以送友予亦和此以餞行

臨歧不忍別怕折江邊柳相逢纔一年往還殊未
久通家若至親論交如舊友各為塵務牽弗克頻
會酒從茲朝野隔此情實孤負勉贈和陶詩俚俗
覺顏厚重訂萍水期他年諒還有



其二 靖節咏田疇之節義言行相顧予故和之如此
言行交際處謹始當慮終聖君垂大戒出好與興
我淵明重田疇因其發言雄忠義能感激千載揚
高風發言苟昭道傳誦寧有窮緬想古心法其惟
在執中

其三 靖節擬古以寄友予次其韻以謝師

豚犬洵君教不能反三隅草木得時雨萌蘖將漸
舒長少三四人春風坐君廬若欲破愚鈍必用惜諸
居設或自暴棄蹊徑終荒蕪昨聞館且穀感惠將
奚如

其四

予讀白沙集而有感故借陶韻以致仰慕之意

白沙似靖節聲名聞八荒登科不屑仕孺親老萱
堂為學能力行望道不渺茫吾母亦守貞迎養獲
麟塲東魯謁孔陵高墳如北邙憲章願學孔文氣
何軒昂心欲往從之遠在天一方展卷若覩面寸
心徒感傷

其五 靖節賦此以寄安貧士予次其韻以寄徐節判

東海徐樾裔北還璧能完九年秩將滿七旬獲挂
冠君弟任徽藩相留各開顏風聞有劇寇呂梁若
邊關暫寓殊得體不歸寧無端我欲抱琴去到彼



為君彈所彈果何調別鶴與離鸞為君心似松柏何
嘗變歲寒

其六 靖節咏樵古以結友予次其韻以示兒

倚倚窓前竹讀書恒對之搖搖報平安龜勉當及
時未得至堅白安能不磷淄竭才斯見道勇往當
無疑光陰能惜寸筆底生華辭椿萱日薄山奉養
當追思決科須努力莫為冬烘欺閑時不掘井臨
渴徒悔之老懷難備言願念和陶詩

其七 靖節擬古而嘆酣歌予次其韻而苦淫雨

自交五月來陰陽失調和十日無一晴當作苦雨


歌山冲苗稼偃墻壁傾頽多侵晨瀉澗水到夜落
簷花浮言龍出入蒼生其柰何

其八 靖節擬古以罷遠游予次其韻以謝同游

憶昔癸丑年同在京華游未幾隨分封來寓古郢
州君居秋官郎名居第一流喬遷往洪都便道經
故丘昨承款華宴儀物何其周和陶特致謝復以
佳章求

其九 靖節擬古而嘆時代遷革予次其韻而嘆功業難成

記得古糟粕搗章隨意採草創求速成潤色還重
改學問管窺天才華豈測海一郎二十年白頭更



何待堪羨陶淵明固窮應不悔

和陶詩集卷之三

和陶詩集卷之四

詩五言


雜詩十二首

其一 借韻以贈周節判

舊歲朝京華紫陌踏紅塵今春過故鄉風月隨吟
身片帆江上來官邸重相親無心自無怨有德必
有隣張筵會僚友洒落如劉晨和陶特致謝華宗
有斯人

其二 借韻以挽陳同寅

先生家雷陽迢遙隔海嶺官居寂寞濱日絕繁華



何待堪羨陶淵明固窮應不悔

和陶詩集卷之三

和陶詩集卷之四

詩五言

雜詩十二首

其一 借韻以贈周節判

舊歲朝京華紫陌踏紅塵今春過故鄉風月隨吟
身片帆江上來官邸重相親無心自無怨有德必
有隣張筵會僚友洒落如劉晨和陶特致謝華宗
有斯人

其二 借韻以挽陳同寅

先生家雷陽迢迢隔海嶺官居寂寞濱日絕繁華



景家累舟曾破主器骨又冷禍延及先生光陰蹉
弗永遺稿空自存宦途不覩影二孤再數年康莊
或馳騁欲養親不待風木曷能靜

其三 借韻以賀王國訊

君今陞國訊榮顯還難量道亨官自叙矧茲圖易
房蟠莢雖未熟流年殊未央顏氏禱尼丘達人
菖陽老懷應念及假此摠衷腸

其四 借韻以嘆風熱作

辛未六月六日


仕途三十年白頭嗟已老七旬未得歸後來安可
保每每遇炎天時時因熱燥目腫水流黃戒酒還
當早或云志不伸愁思繁懷抱予謂物不齊亨屯
是天道

其五 借韻以送周憲副

先生丹穴鳳騫翮靡猶豫早歲儕鶴鷗鳥飛騰漸
高翥便道經故林栖、不忍去於止知所止翔集
斯無慮安安而能遷見幾有誰如明日往洪都
暫向憲臺住風裁凜冰霜膽落巡遊處任大且責
重從今不疑懼

其六 借韻以寄虞太守

每接廉士書一讀一番喜胡為強仕人遽去明農



事日尋陶令寧念絕功名意我欲謀東歸自擬得
相值柰何因循間迅速流光駛假韻寄新詩願言
毋棄置

其七 借韻以寫官情

抱病六七日愁思千萬端治忽固難在一郎未易
遷望道嗟靡及如登高華巔雖曾竭吾才忘寢又
忘飧人生在穹壤窮達當隨緣勉驅憂世志聊賦
樂天篇

其八 借韻以懷師友


尋樂須及時歲去知難稽不混亦不同夔出唯西
崖西岷是吾師落落有高懷治忽能善處安肯學
衛彌我欲往問道朝野嗟遐離未展雲霄翮且在
樊籠羈窮通歸所賦天道有盈虧

其九 和韻以贈吳引禮

吳君居母憂心事殊切迫一官改淮藩兩度遊紫
陌親老欲迎養高堂頭雪白享年有脩短仕路有
寬窄天地一逆旅彼此皆作客食祿各有方所寓
即安宅

其十 和韻以答樓憲章

家世素業儒課童兼農桑豐年足衣食歉或多糶



糠館穀少資助不至歸絕糧清閑若淵明散誕如
純陽昨來寄我詩捧誦增感傷別後餘十年停雲
天一方向時叙舊懷同醉西禧觴

其十一 和韻以寄樓憲良

橋梓俱有恩一別幾炎涼空停天外雲徒瞻月在
梁子寓東吳泮我遊西楚鄉屈指十餘秋彼此鬢
皆霜未能歸話舊聊寫相思長

其十二 和韻以寫近所聞

乾坤大父母衆庶仰宗子冰山昨已頽泰山尚可
倚安得擊壤翁玄論未來理

詠貧士七首

其一 詠張長公

世無良有司貧士失所依暑則浴溪水寒則曝簷
暉殮因黃卷忘神與白鷗飛長公雖曾仕失時便
求歸杜門謝塵事能免身後飢揣已既得志窮困
奚須悲

張釋之子名華字長公官至大夫棄官不仕杜門守困

其二 詠榮啓期

啓期善自寬志趣超黃軒閑行廊之野鼓琴歌田
園三樂與人同何愁絕爨煙心無塵俗累自有詩
書研處常與得終千古傳斯言晉季陶淵明嘆咏



將希賢

其三 詠原子思

原生環堵室清歌間鳴琴桑柘與甕牖冷然有餘音子貢重其德盛容每相尋慰言何其病憲聞却自斟非病乃是貧斯言端可欽淵明千載下誠解心其心

其四 詠黔婁

魯國有貧士姓黔名曰婁曾子哭問謚其妻能應酬謚康餘富貴歛正被不周夫妻咸悟道存歿俱無憂貧賤是逆境安焉孰與儔人能盡斯道聖賢

端可求

其五 詠袁安

洛陽有袁安守貧不外干一旦雪擁門蕭條過縣官跡滅將謂死烟絕無朝餐入問已偃卧只為天嚴寒乏食難求人理答無愁顏既而舉孝廉清名滿鄉閭

其六 詠張仲蔚

貧士張仲蔚門廬多草蓬自少善屬文作詩尤能工既不忝匡衡亦何慙葛藟卓然守寒素固守人難同舒懷隨處樂豈在窮與通安得起斯人翻然



往相從

其七 詠黃子真

淵明稱子庶曾守南陽州介然不帶取勇退誰能
儔還家遇歲飢妻子空淚流窮士天不相難免啼
號憂腆贈有故人總峻拒曷能酬後世仰清風絕
德欽前脩

詠二踈

癸酉年次陶韻故末述已忘如此


天道有消長寒來暑又去人生大塊間行道要知
趣賢哉兩踈公乞骸首先舉叔姪輔皇儲太傅與
少傅知足且知止功成覓歸路傾朝設袒帳揮觴

咸眷顧識破一時機贏得千載譽老夫慕多時十
心敢外務上跡未蒙許溫旨慰情素爰將祿秩加
吾心頓然悟好爵能縻人俾我增疑慮遣懷和陶
詩閒邊手自著

詠三良

三良子車氏奄息仲行鍼虎三子是也

三良殉秦穆淵明詠無遺君臣義殊重生死事豈
微顧命當秉公安得昵寵私求哲在輔後惡用專
幄惟穆公心頗忍三良忠匪虧秦康學魏顛賢達
可同歸所以垂殛言子宜酌從違要使千載下權
衡於我希當時賦黃鳥足以寫其悲後人一展卷



感泣空沾衣

詠荆軻

六國有志士孰不怨姦嬴嗟哉燕太子報仇謀公
卿僉謂唯荆軻刺術莫與京卑辭往懇求感義宜
肯行士為知己死奮迅真豪英錢別易水頭忍聽
悲歌聲雲陰離思慘風冷愁懷生觀者咸感泣從
者俱震驚往伸一旦氣欲垂千載名手捧地圖去
徑入秦王庭初見意甚歡敬重如干城圖窮匕首
見襍破難經營馳逐事已迫所謀安得成遺禍亦
非小舍生空盡情


讀山海經十三首

其一

靖節富文學博覽才不踈胸中藏萬卷困守紫桑
廬汲民發古塚因之得古書乃是周穆傳八駿馳
金車載在山海經讀之識竒蔬鳥獸無不預草木
應與俱飽玩皆自得奚須考輿圖得見所未見旁
通有誰如

其二

王母宴穆王其時美容顏蟠桃贈漢武相去已多
年有時處瑤池有時居玉山不觀山海經將謂是



浮言

其三

玄圃多琅玕南望崑崙山禹貢重斯物位方莫能求
後來周穆王曾往觀瑤瑤淵明慕古蹟追念難遨遊

其四

崑崙山

崑山產丹木朱實氣乘陽君子取服食可致餘生長
瑾瑜生玉膏濁澤而有光軒轅以是饗不為其華黃

其五

青鳥與黃毛羽嘗為王母憐奉命使四方每到崑崙山
想彼似鸚鵡來往能傳言我笑陶淵明托彼求永年

其六

誰著山海經東有扶桑木陰覆三百里所在隣陽谷
海水如晶滌清曉陽鳥浴少頃飛上天容光無弗燭

其七

其樹如栢葉皆為珠八種成林言大也或民之國寧為自歌鳳自舞


赤水在何處三珠樹成陰番禺迤東北八樹挂成林
鸞鳳自歌舞王母能知音天下恠異事淵明胡用心

其八

交照國之東伊人壽最長容色黑如墨見者驚為非常
飲彼赤泉水食彼負丘糧生生恒不老千年殊未央

其九

夸父者神人之者也追日道死棄其杖化為林



古來有夸父經云善能走追日至虞谷口渴亦力負
河涓飲不足道死竟何有棄杖獲變化恠名乃傳後

其十 帝女化精衛樹西木石填東海刑天御于臧而舞

炎帝生女娃好游溺東海化鳥銜木石填塞理安在
刑天是猛獸好武死不悔二物俱恠事紀載亦何待

其十一 竇女化精軋愈如身人向居弱水中與神之子名鼓與欽鴉

鐘山神縱子黨惡逆上旨殺人罪莫逃終至于戮死
鼓鴉化鷄鴉致旱乃素履窳窳居弱水受害亦難恃

其十二

拒山有鳥其狀如鷄其名曰鶉見則多逐土青丘鳥

拒山鳥如鷄見則多逐土所以臣子心不欲其下止青

丘鳥如鳩奇異唯有爾不為塵世妖愛汝如鳳子

其十三


放勳古聖君亦嘗用非才重華一受禪四凶方廢來
明良既相逢僚友何疑猜孰言蜀道難人心反危哉

擬挽歌辭三首

蘇劉不和後世譏其畏死予不畏死故和

其一

人生百歲問日月苦催促賢者名久存善行後人
錄思者醉夢中榮枯類草木我非賢與愚考終何
用哭一世為儒官到老任先覺官貧子能立心仁
身少辱地下見先人惟道萬事足



其二
柩殯在正寢子孫空奠觴殺核雖羅列吁嗟不能
嘗衣冠設座隅銘旌立幙傍白日尚燃燈瞑目殊
少光後容卜宅兆遠葬西山鄉此去永不歸遺憾
知無央

其三

三日當復墓唯聞風蕭蕭買舟載長少悠悠向西
郊既至乃登麓主山何岩堯老樹已槎牙嫩松長
新條佳城已閉後長夜無明朝衣夜無明朝孝子
將柩何祭畢一哀慟日暮方回家餘憾如未伸還

當求挽歌英魂倘不昧吟風在岩阿

聯句

瞻彼汝陽鳥飛飛未有極東山曾往遊西楚久栖

息次韻翱翔三十年翮倦已無力隨羣尚和鳴避


曾同戒飭次韻大雛各思奮小雛恒在側擬共歸

丘隅務求成羽翼次韻戶牖先網繆舉止要觀色

君子能見幾出處信無惑次韻

桃源

武陵桃花源幽閔匪塵世村居四山環洞口一水
逝中有避秦人了不知興廢阡陌通往來泉石可




遊憇良田與羨池嘉穀憑樹藝姻婭若朱陳耕穫
無賦稅林鳥春自鳴隣犬夜不吠童稚歌舊腔器
用咸古製漁郎黃道真溪行曾遠詣林盡過山口
水淺不用屬深入始見人人老不知歲雞酒競邀
飲溥朴無巧慧桑竹有清陰川原似仙界出山復
欲入行蹤草木藪絕境人難到如在紅塵外靖節
記遺跡後人始深契

歸去來兮辭

辛未年乞休致不九月溪園韻寫
歸去來兮予年七旬當告歸既自陳情乞休

聽允而見悲柰溫旨之春憇慨駟馬之難追言身
力其未衰宜暫止而格非置行裝以勿促待明年
而易衣感深息以難拒罄孤忠之幾微更竭鴛鴦
重勳趨奔且舒老懷也褫朱門子姓動勸家業頗
存暫陪僚友同醉清樽假薄祿以取給藉微酣以
開顏耕公田以收租樂暮景之苟安憇節齋以容
與聽好鳥之間闌登高城以散步眺野外而縱觀
善鳴鵲之晨噪感慈鳥之暮還慙一身之寒寒讓
同列之桓桓歸去來兮念故鄉之舊游每停雲以
延佇擬三懇兮固求諒淹留之不久暫追歡以忘



真安因和陶以遣興慕節義於田疇字子春無籍人漢之節義不歆
夷濟不羨商舟倦納誨於朝夕想奈掃於龍立星
取以取北拱水滔滔而東流緊吾心之似水嗜司
空之宜休已矣乎事

君忠義如四時功成當退難終留胡為乎汲汲方
將安之有始必有卒東歸還可期俟明年以重請
擬見許而歸耔會者英以顧老殘吾姪以鑄詩度
殘喘於數載飄然長別夫何疑

和陶詩集卷之四



跋和陶詩集後

家祖訥齋公任樂會令卒於官世父坦率
道人與家君洲隱居士尚髻亂故遺書俱
為海外學者索去迨歸吳祖母樓夫人命
從明師游習舉子厥後世父中乙榜授嘉
祥學諭因往司文衡於閩始得覩陶詩於
路次愛其冲澹平和不事雕琢和一二
若停雲榮木是也及抵任沮於他務雖曾
間和數篇尚未就緒後改官

親藩率多閑暇兼且致仕未容遂乘興適和不

遺一首較之二蘇擇可和者和之自不同
矣二蘇平生以榮辱得喪撓其天所處異
性度異故難通和若吾世父雖位如隱雖
有祿而恒貧且由不戚戚於貧賤不汲汲
於富貴故耳壁蒙薦廁禮官之末故在左
右得覩是稿深愛其詞氣類陶因錄成快
求致政提學副使章山沈公校正而序諸
首矣茲者命工刻之欲寄歸以紀永君冷
味之興云昔

正德癸酉八月上

沈

姪

手

